

ԻՍՎԻԹ ԱՆԱՆՈՒՆԻ ՔԱՂԱՔԱԿԱՆ ՃԱԿԱՏԱԳԻՐԸ

Կ

Հ. Ռ. ԱՐՐԱՆՈՒՆ

Այս դարի առաջին քառորդի հայ ականավոր մտքի ներկայացուցիչներից էր պատմաբան, հրապարակախոս, դրականագետ, հասարակական և քաղաքական գործիչ Իսվիթ Անանունը, որի գործունեության և գիտական ժառանգության գիտատման խնդրում առաջին քայլը կատարեց Ա. Վիրաբյանը¹:

Իսվիթ Օհանի Տեր-Պանիկյանը ծնվել է 1879 թ. Արցախի Մարտակերտի շրջանի Մեծշեն գյուղում: Նա ապրել ու աշխատել է Իսվիթում, Խիֆլիսում և Սրեանում, խմբադրել է թերթեր և հանդեսներ, կատարել այլ ծառայություններ, իսկ հեռավորում, խորհրդային իշխանության տարիներին, որպես այլախոս, պատվիր կրեուց հետո, ԽՍՀՄ միացյալ պետքաղվարչության հասույթ խորհրդակցության որոշմամբ զրկվելով Սոսկվայի, Պետերբուրգի մարզերում, Խաղվով, Կիևի, Օդեսայի օկրուգներում, Իսկուտանում, Հյուսիսային Կովկասում և անդրկովկասում ապրելու իրավունքից², կյանքի վերջին տարիներին ապրել է Խիֆայում, ապա՝ Աստրախանում:

Սրեշեն, Լալաստանում խորհրդային կարգեր հաստատվելուց հետո Իսվիթ Անանունը գերադասել էր մնալ հայրենիքում, նպաստել նրա բարօրությանը, ուստի շատերի նման չգնաց արտասահման: Չգնաց, որովհետև ցանկացավ աշխատել Հայաստանում, իսկ հետո, երբ ուզեց գնալ, չթողեցին:

Իսվիթ Անանունը ունեցել է գաղափարական շատ հակառակորդներ, որոնք պայքարել են նրա դեմ «աջից» և «ձախից»՝ նրան տալով «ազգայնամուլ», «հակահեղափոխական», «հակախորհրդային» և նման պիտակներ: Իսվիթ Անանունը, ինչպես գրում է Ստեփան Շահումյանը, սկզբում հարում էր հնչակյաններին, ապա՝ դաշնակցությանը, իսկ 1905 թվականից՝ Սոցիալ-դեմոկրատական բանվորական հայ կազմակերպությանը (ՍԻԿԿ) և դառնում նրա գաղափարախոսը³:

Ինչպես ռուսական առաջին հեղափոխությունը, այնպես էլ 1917 թ. փետրվարյան հեղափոխությունը Անանունը ընդունում է ուրախությամբ: Նա իր մտերիմ ընկեր Գագիկ Պիճիկյանի հետ Բաքվում ձեռնամուխ է լինում «Բանվոր» թերթի հրատարակմանը: Անանունի գործունե մասնակցությամբ 1917 թ. հոկտեմբերի 3—7-ը Խիֆլիսում գումարվում է հայ սոցիալ-դեմոկրատների համախորհուրդ, որին մասնակցում են Արամայիս Երզնկյանը, Արշակ Զուրաբյանը, Գևորգ Ղարաջյանը (Արկումեզ), Հայկ Ազատյանը և ուրիշներ, շուրջ 70 հոգի: Համախորհուրդը որոշում է միավորել ուժերը՝ Անդրկովկասում սոցիալ-դեմոկրատական գաղափարների տարածման համար: Այդ առթիվ Արամայիս Երզնկյանը Անանունին 1917 թ. գրած մի նամակում հաղորդում էր. «Եվ պետք է հրապարակով շեշտել, որ համախորհրդի զգացմունքների ընթացքում տիրում էր մտքի ու զգացմունքի կատարյալ համերաշխություն»⁴, իսկ զրանում կարևոր դեր էին խաղում Անանունի գաղափարները: 1920 թ. հունվարին Իսվիթ Անանունը Ստեփան Զորյանի, Բախշի

1 Ա. Վիրաբյան, Կյանք և ողբերգություն, Հայաստան, 20. X. 1991:

2 ՀՀ Ազգային Անվտանգության պետական վարչության արխիվ (այսուհետև՝ ՀՀ ԱԱՊՎԱ), գ. 9373, թ. 100:

3 Ստեփան Շահումյան, Երկերի ժողովածու, հ. 2, Ե., 1976, էջ 373:

4 Եղիշ Զարենցի անվան գրականության և արվեստի թանգարան (այսուհետև՝ ԳԼԹ). Իսվիթ Անանունի ֆ., № 122, թ. 1—6:

Իշխանյանի, Յոլակ Խանդադյանի և մի խումբ այլ համախոհների հետ ձեռնամուխ են լինում Սոցիալ-դեմոկրատական բանվորական կազմակերպության հիման վրա Հայաստանի Սոցիալ-դեմոկրատական բանվորական կուսակցության (ՀՍԴԲԿ) ստեղծմանը: ՀՍԴԲԿ-ն հանդես է դալիս որպես Հայաստանի անկախության ջերմ կողմնակից և բացասաբար է վերաբերվում Հայաստանում խորհրդային իշխանության հաստատմանը: Բայց երբ 1920 թ. դեկտեմբերի սկզբին Հայաստանը խորհրդայնացվում է, ՀՍԴԲԿ-ը դիմում է Հայաստանի հեղինակին՝ պատասխանատվություն հայտնելով աջակցել նոր իշխանություններին: Չնայած դրան, Դավիթ Անանունը մինչև իր կյանքի վերջը այդպես էլ չհամակերպվեց խորհրդային կարգերին՝ գտնելով, որ այն անժամանակ է և տնտեսական հիմք չունի:

Դավիթ Անանունը իրեն համարում էր մարքսիստ և սոցիալ-դեմոկրատ: Նա թողել է գրական հարուստ ժառանգություն՝ «Ռուսահայերի հասարակական դարգացումը» եռահատոր մենագրությունը⁵, «Բանվորական նոր օրենքները» զրքույկը⁶ (որի համար ցարական կառավարությունը դատի տվեց նրան), ինչպես և հարյուրավոր հոդվածներ, գրախոսություններ, հրապարակումներ և նամակներ, որոնցում հետևողականորեն արծարծում է հայության հավաքման գաղափարը:

Հայտնի է, որ XIX դ. հայ առաջավոր մտքի ներկայացուցիչներ Խ. Աբովյանը, Ս. Նազարյանը, Մ. Նալբանդյանը, Խ. Պատկանյանը, Գ. Արծրունին, Լ'աֆֆին և ուրիշներ յուրովի են արծարծել հայահավաքման գաղափարը (հայահավաքման գաղափարը երբեք չպետք է նույնացնել ազգային միասնության գաղափարի հետ): Դավիթ Անանունը, զարգացնելով Մ. Նալբանդյանի «Երկրագործությունը որպես ուղիղ ճանապարհ» աշխատության մեջ առաջ քաշված պատվիրանը՝ ազգություն «ներքին և արտաքին» խորհուրդը տնտեսական խնդիրն է, ընդգծում է, որ գրա համար ամենակարևորը ընդհանուր տարածքային պատվանդանի ստեղծումն է: Այդ գաղափարը Անանունի մոտ ավելի է կազմավորվում, միա ու արյուն ստանում մանավանդ 1917 թ. հոկտեմբերյան հեղափոխությունից հետո: Կապված այդ հարցի հետ՝ Անանունը, ի հակադիմ հայ խոշոր բուրժուազիայի, որը «միշտ խորթ է եղել իր ազգին, անտարբեր նրա հոգսերին», հայության ողնաշարը համարել է հայ գյուղացիությանը, որը «ազգի ֆիզիկական ուժն է, բայց ոչ հոգևոր»: Անանունի հայացքով աղջւյնի կյանքում բացառիկ տեղ է գրավում հայ բանվորությունը, որը պետք է լինի հայության հավաքման հիմնական ուժը, իսկ մենագրության եզրափակման մեջ այդ դերը տվել է հայ քաղաքական կուսակցություններին:

Դավիթ Անանունը հայահավաքման իր գաղափարը ամբողջական ու կոռ ձևով շարագրել է եռահատոր «Ռուսահայերի հասարակական զարգացումը» աշխատության մեջ: Եվ հավատարիմ մնալով իր դավանանքին, նա չէր ընդունում դրոից ներմուծված գաղափարները: «Եվ դա այն պատճառով, — բացատրում է նա, — որ մեր խորիմ համոզմունքով ունե է գաղափար, եթե նա գրսից է գալիս չի կարող մասսայական գործի ծնիչ դառնալ, երբ բացակայում են համապատասխան հասարակական-տնտեսական պայմանները՝ այդ գաղափարի ընդունելության և արգասավորման համար»: Անանունին «ավելի շատ շահագրգռել է ևլածը և ոչ թե այն, որ ներմուծել է»⁷: Հայահավաքման խընդրում նա կարևորում էր մի շարք գործոններ, ինչպես՝ հայոց գիրն ու լեզուն, անտեսական և հոգևոր ուժը, ազգային ինքնագիտակցությունը, աղջւյնի եկեղեցին ու պատմությունը, հայկական տարածքների միավորումը: Այդ ամենի հիմքում նա տեսնում էր անկախության անհրաժեշտությունը:

5 Դ. Անանուն, Ռուսահայերի հասարակական զարգացումը, 1800—1870, հ. 1, Բաքու, 1916, հ. 2, (1870—1900), էջմիածին, 1922, հ. 3, (1901—1918), Վենետիկ, 1926:

6 Դ. Անանուն, Բանվորական նոր օրենքները, Բաքու, 1914:

7 Դ. Անանուն, Ռուսահայերի հասարակական զարգացումը, հ. 1, էջ 1:

Դավիթ Անանունին շատ էր մտահոգում պատմական այն եղելությունը, որ հայությունը, որպես «մարդկային ցեղի մի հատուած», դարեր շարունակ զրկված է եղել «հնարավորությունից՝ ապրել և զարգանալ աղատ օտարի լիրտ ազդեցությունից, ինի քաղաքական թե կուլտուրական»⁸։ «Իժեպատություն էր,—նորակացնում էր Անանունը,—ոչ հայությունը չկարողացավ ապրել ու զարգանալ ինքն անկախ կյանքով, տպա առ զերազույն դժբախտությունն ալիլի ես խտացավ, երբ նրան վիճակվեց ենթարկվելու կուլտուրապես իրենից ցածր մի եվանդի»⁹։

Հայահավաքման ճանապարհին ամենակարևոր խնդիրը Արևմտյան Հայաստանի վերամիավորումն էր Արևելյան Հայաստանի հետ։ Սակայն Անանունը խորը և հանգամանալից վերլուծությունից հետո հանդում է այն եզրակացության, որ հնչականների և դաշնակցականների պայքարը Արևմտյան Հայաստանում անժամանակ էր, և որ պայմանները հայերի համար անպատասխան էին, մանավանդ, որ ցարական Ռուսաստանը չէր պաշտպանում հայահավաքման գաղափարը։ Հայերը չկարողացան հաղթանակի հասնել և հայահավաքման գործընթացն արագացնել, որովհետև բացակայեց «քաղաքական իմաստությունը», և «հակառակորդի հզորությունը թեթև վերաբերմունքի արժանացավ, սեփական ուժերը գերազնահատվեցին»։ Այնուամենայնիվ, «այս սխալանքներով անգամ հայ գաղափարակիրները մասսայաշարժ դարձան»¹⁰։ Հայահավաքման գաղափարը ընդգրկեց ավելի մեծ շրջաններ, չնայած տերված զոհերին։ Անանունը բացատրում է. «Պարզել պայքարի դրոշակ՝ նշանակում է անհամեմատ խոշոր զոհեր տալ վսեմության աստծուն։ Այդ վերջին ուղին ընտրեց մեր հասարակական եռանդը։ Եվ շնորհիվ այն նախնիների, որ տեղի ունեցան հայկական ռազմական ճակատում, հիմնական հարցը մնաց անլուծելի և ավելի ևս մտահոգիչ»¹¹։ Ասել է, թե Արևմտյան Հայաստանի միացումը Արևելյան Հայաստանի հետ մնաց անիրագործելի, որի հետևանքն էին 300 հազար անմեղ զոհերը։ Իսկ երբ սկսվեց Առաջին աշխարհամարտը, և մեծ վտանգ էր սպառնում արևմտահայությանը, Անանունը կրկին հնչեցրեց իր ձայնը, մանավանդ կամավորական ջոկատների կազմակերպման առթիվ։ Այն ժամանակ կամավորական շարժման նկատմամբ գոյություն ունեին երկու մոտեցում։ Հայ սոցիալիստ-հեղափոխականները (էսէները) բանաստեղծ, քաղաքական գործիչ Լևոն Աթաբեկյանի դիմավորությամբ պաշտպանում էին առանձին կամավորական խմբեր ունենալու դադափարը։ Սոցիալ-դեմոկրատները, այդ թվում և Դավիթ Անանունը, ընդհանրապես դեմ չէին հայ կամավորական խմբեր ունենալու մտքին, սակայն կարծում էին, որ հայ կամավորները պետք է մտնեն պետական բանակ, որպեսզի թուրքերին առիթ չունենա հայ կամավորական խմբերը պատրվակելով իրագործել հայությունը բնաջնջելու իր հրեշավոր ծրագիրը։ Բացի այդ, Անանունը մտածում էր, որ ռուսահայության քաղաքական այն ուժերը, որոնք ցանկանում են արևմտահայությանը ապստամբեցնել թուրքական տիրապետության դեմ, նախ և առաջ պետք է իմանան նրանց ցանկությունը։ պատրաստակամություն չափը, նոր միայն դիմեն կոնկրետ գործողություններին։

Այդ գաղափարի դեմ առաջին պայքարողներից էր Բաբվում տպագրվող «Արև» թերթը։ Դեռևս 1914 թ. սեպտեմբերին, մինչև Անդրկովկասյան ռազմաճակատի բացվելը Անանունը իր «Անեղը ծանոթամտություն» վերտառությամբ հոդվածում գրել է. «Եվ որպեսզի հայությունը շատանալի ծանր կոլուստների, որպեսզի նա խուսափի սխալներից ու պատուհասներից, նրա բոլոր բայերը, բոլոր ջանքերը պիտի բխեն ազդի նախաձեռն կամքից։ Ամեն մի անջատ ու մասնակի գործ պիտի մերժվի...»¹²։ «Արևը» շահագործեց Անանունին և

⁸ Նույն աեղում։

⁹ Նույն տեղում, էջ 2։

¹⁰ Նույն տեղում, հ. 2, էջ 246։

¹¹ Նույն տեղում, էջ 233։

¹² Մշակ, 23. IX. 1914։

հապշտապ հանդես եկավ «Կեղծում եք» հոդվածով¹³։ Իսկ մեկ ամիս անց, երբ բացվեց Անդրկովկասյան ռադմտճակատը, «Արևը» կոչ է անում կազմակերպել հայ կամավորական ջոկատներ։ Սակայն, երբ Թուրքիայում իրագործվեց հայերի ցեղասպանությունը, ու ոչնչացան մեկ ու կես միլիոն հայեր, Անանունը չէր կարող լռել ու հանդուրժել։ Նույն «Արևը» այս անգամ փորձում էր ամեն կերպ արդարանալ և Արևմտյան Հայաստանում կատարվածի համար մեղադրել Անանունին, որն իբր պաշտպանում էր «մեծատուններին», այսինքն, հայ բուրժուազիային¹⁴։ Անանունը Արևմտյան Հայաստանում կատարվածի համար մեղավոր համարեց նաև Թուսաստանին¹⁵։ Նման եզրահանգումը, անշուշտ, դուր չեկավ «Արևի» խմբագիր Ա. Առաքելյանին։ Եվ նա 1916 թ. հանդես եկավ «Հերթական անբարեխղճություն» վերտառությամբ հոդվածով¹⁶։ Առանց համոզիչ փաստերի նա փորձում է «հերքել» Անանունին և արդարացնել իր կուսակցության (ՀՅԴ) քաղաքականությունը բաժնետահալության նկատմամբ ու պաշտպանել Արևմտյան Հայաստանի հարցում ցարական Թուսաստանի բռնած դիրքը։ Անանունը ինչպես այդ, այնպես էլ հետագայում իր հասցեին ասված մեղադրանքներին պատասխանեց 1917 թ. սեպտեմբեր-հոկտեմբերին Թիֆլիսում գումարված հայոց համախորհրդակցությունում ունեցած իր ելույթներում։ Դատապարտելով բոլոր նրանց, ովքեր թուրք բարբարոսներին առիթ տվեցին իրականացնելու հայերին բնաջնջելու իրենց ծրագիրը, նա համախորհրդից պահանջում էր «յուր դատապարտության խոսքն աչել պատասխանատու գործիչներին. նրանք պետք է դուրս գան գործելու շրջանից»¹⁷։

«Թուսահայերի հասարակական դարգացումը» դիրքը, որտեղ հեղինակը «տնտեսական մատերիալիզմի» դիրքերից հանգամանորեն շարադրել է արեւելահայերի հասարակական-քաղաքական և մշակութային դարգացման պատմությունը՝ հիմնական լեյտմոտիվ ունենալով հայերի ազգահավաքման դադափարը, ժամանակակիցների կողմից արժանացավ հակասական գնահատականի։ Այսպես, ձախակողմյան թևը պաշտպանում էր Անանունի հայահավաքման գաղափարը և գտնում, որ այն պետք է իրագործվի։ Հ. Սուրխաթյանը 1916 թ. հուլիսի 9-ին Անանունին դրում է. «Իբրև գործ, ուսումնասիրություն, իր տեսակի մեջ առաջինն է մեր դրականության մեջ և եզակի...»¹⁸։ Սուրխաթյանը ծավալուն գրախոսությամբ հանդես է դալիս «Մշակում»¹⁹, որտեղ շեշտում է, որ Անանունի լույս ընծայած այս ստվար հատորը «առաջինն է, որ հայ ժողովրդի պատմական դարգացման ուսումնասիրությունը մոտենում է այդ ժողովրդի ծոցում գոյություն ունեցող տարբեր դասերի տրեսական և հասարակական փոխհարաբերությունների տեսակետով»։ Սուրխաթյանի դնահատմամբ՝ Անանունը «մեր երիտասարդ պատրաստված զորդներից մեկն է, որ օժտված է զղաստ մտքով և զորեղ թափանցողությամբ»²⁰։ Հայահավաքման գաղափարը լիովին պաշտպանում էր նուև Վահան Տերյանը։ Անանունի դիրքը հայ դրականության մեջ համարելով «աչքի րնկնող երևույթ»²¹ և «նկատի առնելով մեր ասյրած ներկա ժամանակը»՝ Լուսա-

13 Արև, 1914, № 212—213, սեպտեմբեր։

14 Նույն տեղում, 1916, № 15, 17, հունվար։

15 Գործ (Բաքու), 1917, № 2, էջ 42։

16 Արև, 1916, № 119, 151—152։

17 Հայոց ազգային համախորհրդակցություն, Թիֆլիս, 1917, սեպտեմբեր-հոկտեմբեր։ Փաստաթղթեր ու նյութեր (Բանրեր Հայաստանի արխիվների, 1992, № 1—2, էջ 89)։

18 ԴԱԹ, Դավիթ Անանունի ֆ., № 93, ք. 7։

19 Մշակ, 3. VIII. 1916։

20 Նույն տեղում, 2. VIII. 1916։

21 Վահան Տերյան, Իրերի ժողովածու, Ե., 1925, հ. 4, էջ 376։ Վ. Տերյանի գրախոսությունը առաջին անգամ տպագրվել է «Արմյանսկիյ Եստիսկ» հանդեսում (1916 թ., № 42—43)։ Նույն հանդեսի 1916 թ. № 40-ում տպագրված Յու. Խաչատուրյանի գրախոսությունում նույնպես բարձր է գնահատվել Անանունի դիրքը՝ ռուսերեն հրատարակելու առաջարկով։

տեղծի շնչառում է, որ Անանունի առաջ քաշած գաղափարները «խոշոր նշանակություն են ստանում»²², Գիրքը արժանացավ նաև Աշոտ Հովհաննիսյանի դրվատանքին: 1918 թ. սեպտեմբերի 30-ին նա Անանունին գրել է. «Պայծառակերպդ իմ Դավիթ, Շնորհակալ եմ գրքիդ համար: Եկող տարվանից այդ աշխատությունը կմտցնեմ ճեմարանի լսարաններում, որպես նույնիսկ հայոց նոր պատմություն»²³, Մի քանի ամիս անց, 1917-ի հունվարի 24-ին, Աշ. Հովհաննիսյանը կրկին գրում է Անանունին. «Պատահական երևույթ չէ, անշուշտ, որ գու առաջինն ես սոցիալիստորեն մտածող հայ մտավորականներից, որ լուրջ ձգտում է ցույց տվել ղեկի հայ հեղափոխական դեմոկրատիայի հասարակական իդեալը նրա «գոյություն ինքնօրինակ պատվանդանի» վրա. այդպես եմ ուզում ըմբռնել քո վերջին աշխատության իսկական նպատակը»²⁴:

«Ռուսահայերի հասարակական դարգացումը» և թե նրա մի շարք հոդվածներ հրով ու սրով են ընդունում «Արևը», «Արարատը» և այլ պարբերականներ, «Արևը» դեռեղում է ծավալուն գրախոսություն²⁵, որի գնահատականը տվեց Աշոտ Հովհաննիսյանը. «Կարդացի «Արևի» հոդվածաշարքը: Բավական չէ, որ այդ կարճամիտները իրենք են տրաքում նախաձեռն և շարակամությունից, հիմա էլ խաղալով մեր մարդկային թուլությունների վրա, կամենում են մեզ վարակել նույն ախտով...»²⁶,

«Ռուսահայերի հասարակական դարգացումը» 2-րդ դրքում հատուկ դուրս է նվիրվել հայահավաքման խնդրին, որը XX դարում ստանում է շափաղանց կարևոր նշանակություն, մանավանդ, երբ հարցականի տակ էր գրված հայ ժողովրդի գոյության հարցը: Խորապես հարգելով ռուս ժողովրդին և գնահատելով նրա խաղացած դերը արևելահայության կյանքում, Անանունը միևնույն ժամանակ չէր հրաժարվում ցարական ինքնակալության մեծապետական շուրջիդմեր մերկացնելուց: Նա համոզված էր, որ արևելահայությունը մեծ վնաս է կրում, որովհետև հեղափոխական պայքարում ամուր չէ նրա «աղաղիկ շղարշը», որի հիմնական պատճառը «պատմական արատավոր» ժառանգությունն է և «ռուսական բռնություն» քաղաքականությունը: «Ռուս, թե հայ մնալ» հարցի պատասխանը «պիտի տար հավաքական հայությունը»²⁷, ընայած, որ այդ գաղափարը դեռևս «չէր տիրել հոգուն նյութական: ուժ դարձած իր մտասայացունց էությունը»²⁸: Սակայն հայահավաքման գաղափարները (կուլտուրական վերածնունդ, նյութական հղորություն, հայրենիքի նվաճում) «եթերնք մի մեծագործություն պսակելու շափով շտոգորեցին հայրենի», որովհետև «ինքնօրինակ կերպով էր դասավորված հայ ժողովրդի տնտեսական կյանքը և դասակարգերի փոխհարաբերությունն այդ կյանքում»²⁹: Դավիթ Անանունի բնորոշմամբ՝ հայությունը վերջին մեկ դարում դարձել էր «դեռազանցապես կոոպերատիվ աղբ» և «Ռուսաստանը հնարավորություն էր տալիս հային իր տնտեսական կամքն արդասավորելու ընտրած վայրում և կամեցած բանվորական ուժերի միջոցով»³⁰, Եվ մի՞թե այսօրվա համար չէ ասված Անանունի հետևյալ միտքը. «Ռուսաստանը այն լայն հրապարակն է, որ տարերայնորեն բռնում էր հայի ձեռքից և նրան թափառման հրաման տալիս»³¹:

22 Նույն տեղում, էջ 377:

23 ԳԱԲ, Դավիթ Անանունի Գ., № 101, Բ. 2:

24 Նույն տեղում, № 74, Բ. 4:

25 Արև, 1916, № 209—212:

26 ԳԱԲ, Դավիթ Անանունի Գ., № 73, Բ. 3:

27 Ռուսահայերի հասարակական դարգացումը. հ. 2, էջ 238:

28 Նույն տեղում, էջ 239:

29 Նույն տեղում, էջ 240:

30 Նույն տեղում:

31 Նույն տեղում, էջ 241:

Հստ Անանունի, «հավաքական հայության դրոշակակիրը ժողովրդական մտավորականությունը դարձավ՝ իր հայրենաշեն որոնումների և փորձերի համար պատվանդան ընտրելով բուն ժողովրդին»։ Հենց մտավորականները ցուցաբերեցին խիզախություն և «վերամկրտեցին հայի հոգին՝ նրան հայրենիքի տեր դարձնելու համար»³²։

Հայահավաքման ձգտումը Անանունին հանգիստ չէր տալիս ցարական ինքնակալության տապալումից և, մանավանդ, Հայաստանում հայ պետականության վերահաստատումից հետո։ 1919 թ. մշտական բնակություն հաստատելով Երևանում՝ իրեն ամբողջովին նվիրեց հայահավաքման գաղափարի քարոզչությանը և իրականացմանը։ Նա դարձավ հայոց պետականության ամրապնդման ու հսկական պատմական տարածքների վերամիավորման ջատագովները մեկը։ Խմբագրելով «Հայաստանի կոոպերացիա» երկշաբաթաթերթը և ակտիվորեն աշխատակցելով «Հառաջ» պարբերականին՝ Անանունը հրապարակում էր մեկը մյուսից կարևոր և հետաքրքիր, հրատապ հոդվածներ։ Այդ տարիներին Անանունը առանձին սրությամբ դրեց պատմական Արցախը Մայր Հայաստանի հետ վերամիավորելու խնդիրը։

Դ. Անանունը 1919 թ., երբ նոր էր տեղափոխվել Երևան, հրավիրում է աշխատելու ՀՀ Ներգաղթի և վերաշինության վարչությունում։ Նա իր ծրագրային մտադրությունները շարադրում է հուլիսի 24-ին, վարչության վարիչ Ա. Մաքսապետյանին ներկայացրած գեկուցագրում։ «Մեր կառավարության օրինական մտահոգությունը պիտի կազմե հայրենիքի նվաճումը։ Հայ տարրի ցիրուցան վիճակը պիտի գտնի իր վախճանը, և կառավարությունը համառու ծրագրված աշխատանքով պիտի գլուխ բերի հայահավաքման գործը։ Հայրենիքի նվաճումը հնարավոր կլինի միայն այն ժամանակ, եթե հայրենիքի սահմաններից դուրս մնացող հայության հատվածներն ու բնկորները դառնան փոփոխվելու մեզ բաժին մնացած տերիտորիայի վրա։ Դա էլ կլինի թերի գործ, եթե Հայաստանի տերիտորիայի վրա գտնվող հայությունը բնակության այնպիսի վայրեր չդրավ, որ դրանով անջատված լինի հայ տարրի քաղաքական-տնտեսական բարգավաճումն ու հզորացումը, ինչպես և պետականության հիմքերի ամրացումը... Մենք սակավաթիվ ժողովուրդ ենք և անթուրապետիկ կլինի, եթե հայահավաքման գործը վարենք տարերային եղանակով, որ նշանակում է՝ թե՛ վտանգել ժողովրդի ֆիզիկականը և թե՛ պակաս նպատակահարմար գործ կատարել հայրենիքի նվաճման տեսակետից»³³։

Դ. Անանունը իր բոլոր ունակություններով և հնարավորություններով քաբոգում էր ամրապնդել և հզորացնել հավաքական հայության հայրենիքը, լայնորեն ծավալել արտագրությունը, ստեղծել հայրենիքը պաշտպանելու և անհրաժեշտության դեպքում թշնամուն հարվածող և զսպող բանակ, գաղացնել մշակույթը, մանավանդ գրականությունը, ուշադրություն դարձնել հանրապետությունում փոքրամասնություն կազմող ալազգիների զարգացմանը և այլն։ Անանունը հավատում էր հայ ժողովրդի ապագային և լիովին վստահում նրան։ Եթե, նշում է նա, «պատմական դժնդակ պայմանները նրան պահել են խոնարհ վիճակում և չեն խրախուսել նրա հանձարը», ապա, «թողեք, որ կործանվեն մեզ կաշկանդող շղթաները—այն ժամանակ աշխարհն ու մարդկությունը կտեսնեն մեր գործը և կլսեն մեր խոսքը»։ Հետևապես՝ «Աշխատանք, առանց վհատության և առանց երկյուղի Պարտությունները չէ, որ մեղ բաժին են վիճակված։ Մեզ սպասում է հաղթանակի արբեցումը»³⁴։ Եվ ապա՝ «Հայ ազգը հավաքական ամբողջություն է։ Հայ հայրենիքը ապահով անկյուն չունի մեր արգյունաբերության և կուլտուրական շինարարության համար։ Օտարի դիմազուրկ դարձնող լծի շնորհիվ նա իր միջից վտարում էր ձեռներեց և ինքնագործ անհատներին, վտարում էր դեպի աշխարհի

³² Նույն տեղում, էջ 216։

³³ ԳԱԲ, Դավիթ Անանունի ֆ., № 6, ք. 1։

³⁴ Հայաստանի կոոպերացիա, 1919, № 14, էջ 419։

րոլոր ծայրերը, ուր բացակայում էր մասնագիտական աշխարհի խժոժությունը և կործանարար շունչը»⁸⁵։

Հայաստանի խորհրդայնացումից հետո Դավիթ Անանունը, մնալով հայրենիքում, շարունակում է ընդմենավոր աշխատանք կատարել։ Սկզբում աշխատում էր Հայաստանի պարենավորման ժողովոմիսարհատում՝ որպես կուլտուր-լուսավորական բաժնի քարտուղար։ 1919 թ. հուլիսին էջմիածնի Կուլտուր-պատմական ինստիտուտի կոլեկտիվը նրան ընտրում է ինստիտուտի գիտական աշխատակից, իսկ 1923 թ. փետրվարից մինչև 1926 թ. ամառը ղեկավարում էր ՀԽՍՀ հեղափոխության թանգարանը, լծվելով գիտական և հասարակական-քաղաքական ակտիվ գործունեության՝ Անանունը մի կողմից արժանանում է հարգանքի, սակայն վաստակում է նաև հակառակորդների ծոք 1921 թ. մայիսին խորհրդային Հայաստանի պատվիրակությունը արդարադատության ժողովին Ա. Կարինյանի դիմավորության մեկնում է Ջանգեղուն՝ լրանակցություններ վարելու Լեոնահայաստանի կառավարության հետ, պատվիրակության կազմում էր նաև Դավիթ Անանունը։ Այդ օրերին Ստեփան Գորյանը գրում է Անանունին. «Հայ ժողովուրդը մեծ հույսեր է կապում քեզ հետ այն իմաստով, որ քո առաքելությանը կարող ես նվազեցնել ժողովրդին սպառնացող աղետը։ Կղերականից սկսած մինչև կոմունիստ համոզված են, որ հանգես կբերես քաղաքական մի այնպիսի իմաստություն, որ կհաշտեցնես սահաշտեին և ժողովուրդը (Ջանգեղունի) ... Մի խոսքով՝ դու դառնում ես կամ ավելի շուտ դարձել ես համագաղթյին գեմբը»⁸⁶։

1920-ական թթ. Դավիթ Անանունը տպագրում է մի շարք հետաքրքիր և արժեքավոր հոդվածներ, «Բանբեր Հայաստանի գիտական ինստիտուտի» և «Նորք» հանդեսներում, «Ռուսահայերի հասարակական դարգացումը» աշխատության 2-րդ և 3-րդ հատորները, հանգես է դալիս դասախոսություններով, դրախտություններով և այլն։ Սակայն Անանունի հին և նոր հակառակորդների շարքը հետզհետե ստվարանում է և ավելի վտանգավոր դառնում։ Նրա, ինչպես և մյուս ալլախահների շուրջ հյուսվում էր սարդոստայն. հակառակորդները նրանց վիրավորելու և ստորացնելու առիթներ էին որոնում։ Անանունի դեմ հրապարակայնորեն հանգես եկան Ս. Մանուցյանը⁸⁷, Ս. Երվանդյանը և ուրիշներ, որոնք մերժում էին Անանունի հայահավաքման գաղափարը, նրան անվանում «ազգայնամուլ» և խորհրդային հասարակության համար «վնասակար» անձնավորություն։

1926 թ. վեներտիկում հրապարակված «Ռուսահայության հասարակական դարգացումը» գրքի 3-րդ հատորի տպագրության լուրը սփռվելով են ընդունում Հայաստանի և Ադրբեջանի ղեկավար շրջանները։ Անանունի դեմ «խաչակրաց արշավանք» է սկսվում դաշնակցական մամուլից մինչև խորհրդային մամուլը ներս ուլալ։ Այս նոր «Հատորի մեջ հեղինակը,—գրում է Աշ. Հովհաննիսյանը,—կամենում է ներկայացնել ռուսահայերի հասարակական զարգացման 1901—1918 թվականներն ընդգրկող շրջանը։ Կենտրոնական հարցը հեղինակի այս նախընթաց հատորներում «հայության հավաքման» խնդիրն է։ Այլ խոսքով՝ ռուսահայերի՝ որպես ազգության տնտեսաքաղաքական ինքնորոշման, նրանց «ազգայնություն» և ազգային քաղաքական «ազատագրման» պրոբլեմը։ Երրորդ հատորը հավակնում է տալ հենց հեղինա-

⁸⁵ Նույն տեղում, № 16, էջ 482։

⁸⁶ Տե՛ս Հայաստանի Հանրապետության հասարակական և քաղաքական կադմսկևույությունների փաստաթղթերի կենտրոնական պետական արխիվ (ասուհետև՝ ՀՀ ԶԳԿՊԱ), ֆ., 1022, ց. 2, գ. 100, Խ. 19։

⁸⁷ Ս. Մանուցյանը 1923 թ. կուսակցական աշխատանքի է ուղարկվում Լեոնային Ղարաբաղ։ Աշխատելով ԼՂ կուսակցական կոմիտեի քարտուղար, նպաստում է 1923 թ. ամռանը Արցախում անցկացված «հանրաքվեի» փաստաթղթերի կեղծմանը։ Նա խիստ լազասական դեր է խաղում մարդի տարածքը վերածնունդ և պատմական Արցախի հյուսիսային շրջանը մարզից անջատելու գործում։

կին զբաղեցնող պրոբլեմի լուծումը: «Հայության հավաքման» հին պատգամը «ավարտում է իր աշխատանքը... 1918 թ. մայիսի 28-ին»³⁸,

Անանունը իր աշխատության մեջ, թերևս ոչ տեղին և ոչ համոզիչ, կրչտամբում է հայ մարքսիստներին, որոնք տեր չկան գնեցին նախընթաց շրջանի: «աղգային հեղափոխական շարժմանը», դրա համար էլ հայերը ողնաշարը չարդած մի ժողովուրդ: դարձան, իսկ դաշնակցությունը նստած մնաց «հայության... աղգային զգացմունքների և անձե սպասումների խանձարուրի մոտ»³⁹, Անանունը բացատրում է, որ «մարքսիստների աղգահիսությունը կերպարանք չունեն, իսկ դաշնակցության գործելակերպի հաջող ու սուր քննադատությունը շրջանակ չէր դառնում, որ հայկական մեղուն իր մեղվահացի հյուսիսին»⁴⁰, Ապա՝ «մնաց, որ հեղափոխությունը, այսինքն, գործնականը լուծեն աչք, և մարքսիստները գնան շարվելու պատրաստի սեղանի շուրջը»⁴⁰, Ահա սա է Դավիթ Անանունի աշխատության գաղափարական հենքը:

Փարիզում տպագրվող դաշնակցական «Հառաջ» թերթում⁴¹ ընդարձակ գրախոսականով հանդես է գալիս Ս. Մասուրյանը: Նա գրում է, որ «Դ. Անանունին խորհրդածություններում և պնդումների մեծագույն մասը կարելի չէ ընդունել առանց կասկածի և այդ ոչ միայն այն պատճառով, որ անհաշտ ու ճայրահեղ հակառակորդն է ՀՀ դաշնակցության գործնություն, այլև, առհասարակ, կյանքը գունավոր ակնոցներով դիտող մեկն է: Այս պատճառով անոր զրբին ընթերցանությունը դժվար և նույնիսկ վտանգավոր գործ մըն է...»: Սակայն, շարունակում է գրախոսը, «մեկը, որ այնքան համարձակ է և անողոր, օրինակ, դեպի դաշնակցության թերությունները, բարոյական իրավունք չունի լռելու բոլորակներում գործած անհամեմատ ավելի ծանր հանցանքներում հանդես: Բայց և այնպես, եղբայրական է Մասուրյանը, Անանունի աշխատությունը «Ունի արժեքավոր մասեր ու տեղ-տեղ ներշնչված բարձր հայրենասիրությամբ ու խորունկ հավատքով դեպի հայ ժողովրդի փայլուն ապագան» և պատահական չէ, որ գրքի վերջին գլխում նա «կր փառալանե Հայաստանի անկախությունը»⁴²:

Ծգիպտոսում հրատարակվող դաշնակցական «Հուսարերը» սկզբում երկու ծավալուն առաջնորդողներ նվիրեց Անանունի գրքի 2-րդ և 3-րդ հատորներին, ապաղոնց Արուշակ Արեղյանի ծավալուն դոախոսականը դրքի 2-րդ հատորի վերաբերյալ⁴³: «Հուսարերը» հայտնել է նաև ծայրահեղ կարծիք, դրելով, թե Անանունը «շուրջ երեք տասնամյակ համառոտեն, հաճախ կրքոտ և թունալից, պայքար մղած է ՀՀ Դաշնակցության դեմ՝ միշտ ալ փարսժ մնալով հանրալին իր միևնույն դավանանքին»⁴⁴:

Անանունի և նրա գրքի մասին այլ կարծիք ունեն Արտաշես Արևիդյանը: Նա գրում է, որ Դավիթ Անանունը անծանոթ դեմք չէ. նա «տիպիկ հայ մտավորական է, քաղաքական-հասարակական ու գիտական ականավոր դործիչ ու հրապարակագիր», որը «գրեթե մի քառորդ զարուց ի վեր... կյանք է մաշում այդ ասպարեղներում» և որ հայ մարքսիստներից տարրերվում է նրանով, որ կազմակերպչական դործը դրել է «աղգային և ոչ թե միջաղգային դետնի վրա, ինչպես որ վարվում էին մնացած հայ մարքսիստները»⁴⁵:

Բոստոնում ապադրվող «Հայրենիք» հանդեսը իր 1926 թ. նոյեմբեր, դեկտեմբեր և 1927 թ. հունվար ամիսների համարներում տպագրեց Ս. Վարդանյանի «Անառույնի ասպետը» վերտոտությունը ծավալուն և բացա-

³⁸ Մարտակոչ, Թիֆլիս, 26. III. 1927:

³⁹ Դ. Անանուն, Խուսահայության հասարակական դարգացումը, հ. 3, էջ 411—412:

⁴⁰ Նույն տեղում, էջ 412:

⁴¹ Հասաջ (Փարիզ), 22—29. III. 1926:

⁴² Նույն տեղում, 31. X. 1926:

⁴³ Հասարակ, 27. VI. 1926, IX—X. 1926:

⁴⁴ Նույն տեղում, 29. IX. 1926:

⁴⁵ Նույն տեղում, 18. X. 1926:

սական ղրախոսությունը⁴⁶, Թիֆլիսում տպագրվող «Մարտակոչ» թերթում Անանունի դեմ բավականին ընդարձակ «մեղադրանքով» հանդես եկավ Ս. Երզնկյանը (Ն. Սուրենի)՝ «Երկու տեղեկաց» վերտառությամբ հոգվածով⁴⁷, որում, Անանունի գիրքն անվանվում է «բամբասազիրք»⁴⁸, իբրև պատասխան Ս. Երզնկյանի և ի պաշտպանություն Դավիթ Անանունի, նույն «Մարտակոչում» նույնպես ծավալուն հոգվածով («Ձախ» պանիկյորություն հայկական մի վարիանտի մասին)՝⁴⁹ հանդես է գալիս Աշոտ Հովհաննիսյանը, Հարցն այն է, որ Ս. Երզնկյանի հոգվածն ուղղված էր ոչ միայն Դավիթ Անանունի և Աշոտ Հովհաննիսյանի, այլև Հայաստանի կոմկուսակցության և հայ մտավորականության դեմ, Հայաստանի կոմկուսակցության կենտկոմի նախագահությունը, 1927 թ. մարտի 6-ին ընդլայնված նիստում քննության առնելով Ս. Երզնկյանի հոգվածը, նշում է, որ Հայաստանի կոմկուսակցության դեմ առաջ քաշված մեղադրանքը «կտրականապես սերծում է. գտնելով այն միանպատակ չհիմնավորված»⁵⁰:

Աշոտ Հովհաննիսյանը, որը փաստորեն հանդես էր եկել Հայաստանի կոմկուսակցության կենտկոմի անունից, իրավացիորեն գրում էր. «Դ. Անանունի հատորն ավելի շուտ գրական-քաղաքական ելույթի առիթ էր, քան բուն նպատակ»⁵¹: Մի փոքր անց, երբ Անանունն արդեն գտնվում էր բանտում, իսկ Աշոտ Հովհաննիսյանը աղատվեց դադարեցրած պաշտանից, ՀԿԿ կենտկոմի քարտուղար Հայկ Հովսեփյանը հիմնավորում էր բռնությունները, նշելով, թե «Այնպիսի սպեցիֆիկ-մենշևիկներ, ինչպես Դավիթ Անանունը, պրոլետարական հեղափոխության և խորհրդային իշխանության կատաղի թշնամիներ են»⁵²: Ս. Կասյանը իր «Սպեցիֆիկները և սպեցիֆիզմը»⁵³ գրքում, հարվածի հիմնական նետը ուղղելով Դավիթ Անանունի դեմ, գրում է. «Հեղափոխական մարքսիզմ-բոլշևիզմի հետ կովի բռնվողները ոչ թե ռուբենիյան սպեցիֆիկներն են, որոնք պայքարի էին բռնվում միմիայն դաշնակցության հետ, այլ միայն անանունյան սպեցիֆիկները...»: Կասյանը չի ժխտում, որ «տիրազուլ» Դավիթը քիչ չի նիզակներ կոտրել դաշնակների դեմ»⁵⁴:

Դավիթ Անանունի քաղաքական կյանքում լուրահատուկ տեղ են գրավել նրա և Աշոտ Հովհաննիսյանի գաղափարական և անձնական կապերը, որ սկսվում են նախահեղափոխական տարիներին: 1920 թ. դեկտեմբերից մինչև 1921 թ. հունիսը Անանունը և Ստեփան Զորյանը Երևանում ապրում էին խորհրդային Հայաստանի առաջին լուսժողովում Աշոտ Հովհաննիսյանի րնակարանում, իսկ 1923-ին Անանունը խորհրդային Հայաստանի հեղափոխության թանգարանի տնօրեն է նշանակվում արդեն կուսակցության կենտկոմի քարտուղար Աշոտ Հովհաննիսյանի երաշխավորությամբ: Անանունի «Ռուսահայության հասարակական զարգացումը» գրքի 2-րդ հատորը լույս է տեսել գործյալ Աշոտ Հովհաննիսյանի անմիջական երաշխավորությամբ: Հետագայում հարցաքննությունների ժամանակ Աշոտ Հովհաննիսյանը մեղադրվել է ամենից առաջ Դավիթ Անանունին հովանավորելու համար: Դ. Անանունի և Աշ. Հովհաննիսյանի հակառակորդները հնարավոր բոլոր միջոցները գործադրում էին մթոտելու և ֆիզիկապես ոչնչացնելու նրանց: Իսկ դա մի այնպիսի ժամանակաշրջան էր, երբ Ստալին-Տրոցկի պայքարը մոտենում էր գագաթնակետին: Դ. Անանունի հասցրած ապտակը, թվում է, չէր

46 Հայրենիք, 1926, № 1 (նոյեմբեր), էջ 69:

47 Մարտակոչ, 1927, № 26—39 (փետրվար):

48 Նույն տեղում, № 26:

49 Նույն տեղում, № 67—70 (մարտ):

50 ՀՀ ՀՔԿՓՊԱ, Գ. 1, Գ. 7, զ. 28, Բ. 33:

51 Մարտակոչ, 1927, № 67:

52 Заря Востока, 7. VIII. 1927.

53 Ս. Կասյան, Սպեցիֆիկները և սպեցիֆիզմը, Թիֆլիս, 1928:

54 Նույն տեղում, էջ 154:

մոռացել ազգային հարցի «գիտակ» Ստալինը: Դեռևս 1913 թ. Անանունը «Նոր հոսանք» հանդեսի 6-րդ համարում, «Դարձյալ ազգային հարցը և դեմոկրատիան» հոդվածում, քննության է առնում Ստալինի «Ազգային հարցը և սոցիալ-դեմոկրատիան» հոդվածը⁵⁵ և հանգում հետևյալ եզրակացության. «Ազգերի ինքնորոշման վերաբերյալ Ստալինի հոդվածը մի արժանիք ունի՝ շատ բան խոստովանում և քարոզական կերպով խոստացածը մերժել... Ուղղակի մարդ ապշում է, թե ինչ աստիճանի կարող է հասնել անիմաստ շաղակրատությունը: Փքուն խոստումներ, անվերապա՝ հայտարարություններ և ապա նահանջ ամբողջ գծի վրա: Վերջ ի վերջո «հետևողական» մարքսիստ Ստալինը ազգային հարցի լուծումը գտնում է երկրի ռամկավարության մեջ: Եվ եթե խոսքի սահմանը այդտեղ պիտի լրանար, էլ ինչ կարիք կար երկար ու բարակ ծամծամել ազգային ինքնորոշում դարձվածքը», և «Ստալինը թրվապատում է ազգային ինքնորոշման պահանջը»⁵⁶:

Դավիթ Անանունի ձեռքակալվելուց դեռևս չորս ամիս առաջ, 1927 թ. մարտի 25—27-ը, տեղի էր ունեցել Հայկումկուսի կենտկոմի չորրորդ պլենումը: Որը լսում և քննարկում է գաղափարական հարցի վերաբերյալ կենտկոմի քարտուղար Աշոտ Հովհաննիսյանի զեկուցումը: Ելույթներում հնչում է այն մեղադրանքը, թե իբրև Հայաստանում պայքար չի մղվում սպեցիֆիզմի դեմ, փորձեր են արվում այն պատմականորեն արդարացնելու և ժողովրդականացնելու համար, իսկ դրան հակառակ, ստվերի մեջ են թողնվում բուշեկյան պատմությունը և նրա պատմական դեմքերը: Նաև նշվում է, որ Երեւանի «Երիտասարդ մարքսիստներ» կադավերայությունը ունեցել է «սպեցիֆիկյան գունավորում» ունեն Դավիթ Անանունի, Յուլիա Խանդաղյանի և այլոց գրվածքները, հենց նրանք են «խեղաթյուրում մեր պատմությունը»⁵⁷: «Խորհրդային Հայաստան» թերթի խմբագիր Ս. Կարինյանը, իր ելույթում քննադատության ենթարկելով Ս. Երզնկյանին, նրա հոդվածը համարում է միտումնավոր, որովհետև Հայաստանում սպեցիֆիզմը պատկանում է անցյալին: Այնուհետև, նշում է, որ Անանունի գոթի 2-րդ և 3-րդ հատորների հրատարակումից հետո ոմանք պահանջում են նրան աքսորել կամ ձերբակալել, որը առայժմ չի լինի: Ուրիշ բան է, շարունակում է նա, նրան քննադատել և խարաղանել, քանի որ իրոք «Դ. Անանունը հանդեսանում է վտանգավոր դեմք» և «ազդեցություն ունի երիտասարդության վրա»: Եթե «նրա դեմ շտանենք գաղափարական ակտիվ պայքար, այդ զենքում ես համաձայն եմ այն ընկերների հետ, որոնք պահանջում են նրան աքսորել: Նույնիսկ համար վնասակար դեմք է, նա խարաղանում է այն մտավորականներին, որոնք մեզ հետ են»⁵⁸:

Առանձնապես թունոտ էր Մ. Որախելաշվիլու ելույթը, որը հատուկ հանձնարարությամբ եկել էր Թիֆլիսից: Պլենումի ամբիոնից նա հայտարարում է, որ եթե «մինչև հիմա դուք չեք ոչնչացրել Դավիթ Անանունին» և «արմատախիլ չեք սրել հայկական սպեցիֆիզմը», ասլա «հիմա պետք է արվի»⁵⁹: Ասված է հստակ և կոնկրետ: Հետևապես, հայ մտածող և իր խելամուռությամբ շատերի նախանձը շարժող Դավիթ Անանունը այս երկերի տուսկ ապրելու իրա-

⁵⁵ Ստալինի հոդվածը տպագրվել էր «Просвещение» հանդեսի 1913 թ., № 3, 4 և 5-ում:

⁵⁶ Նոր հոսանք, Թիֆլիս, 1913, № 6, էջ 1065:

⁵⁷ Երեւանի համալսարանում 1924—25 թթ. դրծել է «Երիտասարդ մարքսիստներ» կամ «Պլենումական» խմբակ, որը ղեկավարում էր Սուրեն Մխիթարյանը: 1925 թ. ձերբակալվում են խմբի անդամները, որոնք հիմնականում կոմերիտական ուսանողներ էին, նրանք մեղադրվում էին «ազդայնամուլության» և «հակախորհրդային» դոգմոնեկոմիայի համար: Հետագայում Անանունին մեղադրում են այդ խմբակին ոգևորելու համար:

⁵⁸ 22 ՀԺԿՓԿՊԱ, ֆ. 1, ց. 7, դ. 15, թ. 33—39:

⁵⁹ Նույն տեղում, թ. 59:

⁶⁰ Նույն տեղում, թ. 73:

վունք չունի։ Բանդարանի անօրինությունից ազատված, ամբողջ մեկ տարի առանց աշխատանքի մնացած Անանունը 1927 թ. ամռանը երկու անգամ մեկնում է Իֆիլիս՝ աշխատանք որոնելու կամ էլ արտասահման փոխադրվելու թույլտվություն ստանալու։ Նրան մերժում են, հուլիսի 28-ին ձերբակալում և նևտում Բանտ։ Հարցարնություն ժամանակ քննիչը նրան հարցնում է. «Եթե, իրոք, հակադաշնակցական անձնավորություն ես, ապա ինչու եք 1919—1920 թվականներին ժառանգել դաշնակցական կառավարությանը և ինչու եք ցանկանում տեղափոխվել արտասահման»։ Անանունը պատասխանում է, որ ինքը իր «Լույսներում, ինչպես և մամուլում, հրապարակային ռեֆերատներում պաշտպանել է կոալիցիոն կառավարությանը... և դատապարտել դաշնակցության մենաշնորհ իշխանությունը...»։ Սվ, շնայած նրան, շարունակում է Անանունը, որ դաշնակցությունը ունեցել է մենաշնորհ իշխանություն, այսուամենայնիվ «ես պաշտպանել եմ այդ կառավարությանը»։ «Խորհրդային իշխանության թևերում ես գտնում էի ոչ թե նրա սոցիալական միջոցառումների, այլ նրա փափուկ քաղաքականության մեջ (առանձնապես Խուրթիայի նկատմամբ), որը Հայաստանին պահում է ճնշված վիճակում, նրան զրկելով իր վաղեմի տարածքներից⁸¹։ Անանունը արտասահման տեղափոխվելու իր մտադրությունը բացատրում է նրանով, որ վերջին յոթ տարում մի քանի կոմունիստների կողմից իր դեմ տարվող պայքարը իրեն հասցրել էր հուսահատության, և դրա համար էլ նա գերադասում էր տեղափոխվել Պարսկաստան, Այդ կոմունիստ կոլեցյալները թունավորում էին նրա կյանքը։ Ապա բացատրում է, որ ինքը՝ որպես հին մարքսիստ, լավ գիտեր սոցիալ-դեմոկրատական կազմակերպության ամբողջ անցյալը և հեղափոխական շարժման մեջ այդ անձնավորությունների «հաճախ վարակիչ» գործունեությունը։

Ստորև բերվում է 1927 թ. սեպտեմբերի 29-ի հարցաքննության արձանագրությունից մի հատված, որը պարզաբանում է Անանունի քաղաքական ըմբռնումները հայահավասար, դաշնակցության, Հայաստանի անկախության և նրա ապագայի վերաբերյալ։

«Հարց.—Դուք չե՞ք գտնում, որ դաշնակցությունը պետք է հեռանա պատմական ասպարեզից, և որ ժողովրդի և Հայաստանի նկատմամբ նրա վերաբերմունքը կործանարար է։

Պատ.—...Իմ կարծիքով դաշնակցությունը քաղաքական ասպարեզից կարող է հեռանալ միայն տարածքային հարցերը լուծելուց... և հայ ժողովրդին իր հայրենիքում հավաքելուց հետո... Այդ կուսակցության քաղաքական մահը չի կախված մեր սուբյեկտիվ ցանկություններից...

Հարց.—Դուք քաղաքական ինչպիսի՞ պահանջներ ունեք, որոնց չկատարումը Հայաստանի գոյությունը, որպես պետություն, անիմաստ է դարձնում։

Պատ.—...Հայաստանի, որպես պետություն, թերությունը կայանում է նրանում, որ դեռևս չի վճռված ազգային հարցը, ասել է թե՛ տերիտորիայի հարցը և հայ ժողովրդի հավաքումը Հայաստանում։

Հարց.—Ինչպե՞ս եք գնահատում դաշնակցականների 1921 թ. փետրվարյան ելույթը։ Դա եղել է խռովություն, թե՛ ապստամբություն։

Պատ.—Դա եղել է ապստամբություն, ավելի ճիշտ՝ ժողովրդական լսյն շարժում⁸²։

Սա հայ իրականության մեջ 1921 թ. փետրվարյան իրադարձությունների առաջին և ճիշտ դնահատականն է, որ տվել է աղդանվեր քաղաքական գործիչը, այն էլ խորհրդային բանտում։

«Կիսամենչևիկ և կիսադաշնակ Անանունը,—կարդում ենք մեղադրական և դրակցության մեջ,—իր հողավածներով նպատակ էր հետապնդում Հայաստանում հասարակական կարծիքը բարձրացնել բուլճերի դեմ և ասպա-

⁸¹ 22 ԱՄՊՎԱ, դ. 9373, թ. 30.

⁸² Նույն տեղում, թ. 30—31.

րեզից հեռացնել այդ կուսակցությանը... Նա Հայաստանում եղած ժամանակաշրջանում միայն շարաշահել է պատասխանատու կոմունիստների վստահությունը և իր դիրքը օգտագործել հակախորհրդային տրամադրություններով տարված երիտասարդների շրջանում (1923—1924 թթ.) և կապի մեջ էր Սուրեն Մխիթարյանի, Արաս Իսահակյանի, Խոնդկարյանի և ուրիշների հետ: Նա ազդեցություն ուներ երիտասարդության վրա, կապված էր հոգևորականության, արտասահմանյան հակահեղափոխական ուժերի և այլ տարրերի հետ: Հետևապես՝ «Նրան ազատ թողնել Անդրկովկասում, ճիշտ չէ լինի, կլինի վտանգավոր: Նա, ազատ լինելով, կշարունակի իր հակահեղափոխական դործունեությունը»⁶³:

Դավիթ Անանունը թե՛ բանտում և թե՛ աքսորավայրում շարունակել է գրել: Ծննդով արցախցի, գրող և հրապարակախոս, Անանունին շատ մտերիմ Արամայիսը (Միսաք Տեր-Դանիելյան) վկայում է, որ Անանունին վերջին տեղամ տեսել է Բաքվում, 1937 թ., երբ մի քանի օրով եկել էր Աստրախանից: Անանունը Արամայիսին ասել է, որ իր բոլոր ձեռագրերը գտնվում են Աստրախանում: Արամայիսը զրոյում է նաև, որ արդեն 1942 թ. Անանունի ձեռագրերը գտնվում էին Բաքվում, բայց թե ում մոտ, մոռացել է⁶⁴:

Դավիթ Անանունը, հարազատների վկայությամբ, իր գոյությունը պահելու համար աշխատում էր Աստրախանի արհեստանոցներից մեկում, ուր ձրկնորսական ցանցեր էին հյուսում: Դեղերումներով լի նրա կյանքը ավարտվել է 1943 թ., դժբախտ պատահականությամբ: Բժշկական օգնություն չստանալով՝ մահանում է մեծակության մեջ և հողին է հանձնվում աստրախանյանակ համադրուղացի Հակոբ դայու կողմից:

Միայն 1989 թ. հետմահու արդարացվեց հայահավաքման հալածված դադափարախոսը, որը ոչ մի հակաօրինական արարք չէր կատարել:

ПОЛИТИЧЕСКАЯ СУДЬБА ДАВИДА АНАНУНА

Г. Б. АБРАМЯН

Резюме

Историк, публицист, общественный и политический деятель Давид Анапун (Давид Тер-Даниелян), являющийся одним из видных представителей армянской политической мысли первой четверти 20-го века, в своих многочисленных работах пропагандировал идею консолидации всех армян. Своей политической и теоретической деятельностью Анапун активно способствовал становлению первой Республики. Являясь одним из идеологов армянской социал-демократической рабочей организации, Д. Анапун полагал, что в деле консолидации армян важную роль призваны сыграть армянские политические партии и организации. Политические и идеологические взгляды Анапуна встречали яростное сопротивление, что и привело в годы советской власти к его политическому и физическому уничтожению.

⁶³ Նույն տեղում, թ. 50—60:

⁶⁴ ՀՀ ՊՊԿԱ, ֆ. 150, ք. 1, գ. 25, ք. 25ա: